



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectae

**Sandini, Antonio**

**Bambergae, 1753**

XCV. S. Paulus I. Anno Christi 757. Constantini Corpronymi 17.

---

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

venerandos esse coram Deo & animâ & corpore, & horum intercessionem non petierit, acpote qui libertatem apud Deum habeant pro mundo secundum Ecclesiasticam traditionem intervenire, anathema. Nec aliud, ut ait Nat. Alexander in Hist. Eccl. Sac. VIII. cap. 2. art. 1. §. 2. colligi potest ex Actis S. Stephani Junioris, laudatis à Cardinali Baronio: qua blasphemia quidem meminere ab Iconomachorum Antistitibus verbo tenus in beatam Virginem prolata, non autem canone sancita.

XCV.

## S. PAULUS I.

ANNO CHRISTI 757.

CONSTANTINI COPRONYMI 17.

STEPHANO II. substituitur Paulus ejus frater, ipse quoque Romanæ Ecclesiæ Diaconus. (1) Vix Pontifex factus, antequam consecratur (consecratus autem est IV. Kal. Jun. an. 757.) epistolam dedit ad Pippinum Regem Francorum petens, ut pergeret juxta scædus præsidio esse Romanis. (2) Anno Pontificatûs quarto, datâ ad eundem Pippinum aliâ epistolâ, rogavit, ut Desiderium Regem

Bar. an.  
757. § 2.  
3. 4.  
Pag. 91. 2

Cc 2

gem

gem Longobardorum urgeret, donec omnes justitias beati Petri Apostolorum Principis, omnia videlicet patrimonia, jura etiam & loca, atque fines, & territoria diversarum Civitatum suarum Reipublica Romanorum sibi plenissime restitueret. (3) Copronymum verò, qui non modò sacris imaginibus pertinaciter infestus erat, sed etiam sæviebat in Monachos, legationibus & litteris conatus est ab impietate avocare. Multa Sanctorum corpora è cœmeteriis, quæ Longobardorum incursionibus exposita magnas fecerant ruinas, transtulit in Urbem, & in locis decentioribus collocavit. In his etiam corpus S. Petronillæ filiæ B. Petri. (4) Annos decem & mensem unum summo Sacerdotio præfuit. Cessit è vita IV. Kal. Jul. anno 767. quo die, haud expectatâ ejus morte, Constantinus nondum Clericus, potentiâ fratris sui Totonis Ducis Nepesini invasit Pontificatum, ac per annum & mensem tenuit.

Bar. an.

758. §. 2.

Bar. an.

767. §. 4. 5.

Pag. §. 3.

## ANNOTATIONES.

(1) Nunc primùm duo fratres alius protinus post alium Pontifices facti. Post hos Sac. XI. Benedictus VIII. & Joannes XIX.

(2) Epistola illa apud Labbeum tom. 6. Conc. pag. 1675. prima dicitur, in Codice autem

autem Carolino est tertia. Porro Codex Carolinus ita dictus est, quod jussu Caroli Magni compositus fuerit. Continet novem & nonaginta epistolas à summis Pontificibus Gregorio III. Zacharia, Stephano II. Paulo I. Stephano III. Hadriano, & Pseudopapa Constantino scriptas ad Carolum Martellum, Pippinum, Carolomannum, & Carolum Magnam de rebus *temporalibus* ad Apostolicam Sedem pertinentibus. Codicem hunc à Sebastiano Tengnagelio Bibliothecæ Casaræ Vindobonensi Præfecto acceptum, referente Petro Lambecio lib. 2. Bibliothecæ Casaræ cap. 5. pag. 322. anno 1613. in lucem edidit Jacobus Gretserus ad refellendas calumnias Centuriatorum Magdeburgensium contra *temporale* Romani Pontificis dominium. Vide Muratorii monitum in Epistolas Codicis Carolini tom. 3. part. 2. Script. Rer. Italic. pag. 73.

(3) Coitius in Annal. Eccl. Franc. ad an. 760. §. 6. ex memorata epistola, quæ apud Lab. tom. 6. Conc. pag. 1679. est tertia, & Codicis Carolini 21. *Patrimonia distingue à juribus, locis, finibus, ac territoriis Civitatum. Nam jura, loca, fines, ac territoria Civitatum pertinent ad donationem Pippinianam, partemque constituunt Principatus à Pippino Rege Pontifici Romano collati. Patrimonia verò cum intra, tum extra donationem Pippinianam consistunt pro subsidio tantum & alimento pauperum Christi, seu luminarium*

concinnatione, ut *Gregorius tertius* Papa in litteris ad *Carolus Majorem* Dominum patrem *Pippini Regis* loquitur apud *Beronium* ad an. 740. §. 20.

(4) Vide *Historiam nostram Apostolicam*, ubi de *Apoitoniis* in universam.

## XCVI.

## STEPHANUS III.

ANNO CHRISTI 768.

CONSTANTINI COPRONYMI 28.

Bar. an. 768. §. 1. unum, §. qu. subrogatus est præter jus  
Pag. §. 1. fāsque, *Philippo* pariter cessare jussu, legum  
meruēque ex *sacrorum canonum* præscripto creatur *Stephanus* Nonis *Augusti* mensis, hujus nominis quartus, dictus à nonnullis tertius, (1) *Olivi* filius, *Siculus*. Is accitis ex *Gallia* atque *Italia* Episcopis, *Concilium* *Romæ* anno 769. §. 1. insequente habuit, in quo anathemate percussus est falsus Pontifex *Constantinus*, sancitumque decretum coercendis affectantibus Pontificatum. Tunc allatis sacratissimis canonibus, eisque liquidò perscrutatis, prolata est sententia ab eodem *Sacerdotali Concilio* sub

ANNO